

平叛記

東方學會印

文章如面史才實難蹟湮則不暇書識庠則不能書語涉足諱則不敢直書而翻多譌書所以難也荆石毛先生以績學緯材雄長海岱間同時後輩握手取功名以去而先生猶老於諸生僅以文章流露聲光所著平叛記老宿多稱之世或未盡見也先生以萊人談萊事其所聞見皆不虛故自始圍以迄解圍之日凡七閱月中間叛者降者攻者守者援者撫者環疏請師者捐軀殉節者力戰成功者莫不綱舉目張一倣紫陽書法掃除嫌忌示以信從可謂叙事簡而用意精卓然以良史自命者矣長公九來來遊西江校讐浹月付之開雕予讀之既以服是書之詳瞻足備將來史宓一則而又以歎明末任事諸臣庸庸憤憤養癰誤國卽一隅可覘全局也噫三日而救至十日而賊亡萊之不爲睢陽幸耳痛定思痛其亦有談虎色變者乎康熙五十五年仲秋年家姪南州辜光旦拜識

平叛紀者紀孔叛平也孔叛始自吳橋繼而破登繼而圍萊凡歷十有八月而始殿之海外平叛所爲紀也然舍此無紀者乎曰有謝監紀有視師紀矣高監護有東征紀矣謝防撫有圍城

紀矣卽吾郡部院張公亦有歸圍紀矣有則此何以作曰視師東征詳於叛兵之始末而萊城之危急不及圍城歸圍詳於萊城之危急而叛兵之始末不載是皆未得爲全書也辛卯冬余偶過子婿姜耿西館見其案頭有謝高諸公紀手攜以歸因作平叛紀圍萊以前本之視師紀圍萊以後則本之圍城紀至復黃克登又仍本視師紀以及保萊表忠諸書皆參而用之且閒取先正之議論以附於其下斯不惟叛兵之始末以明萊城之危急以著且使當年文武諸臣誰爲墨守誰爲血戰誰爲痛哭而乞師誰爲選悞而縱寇爲功爲罪靡不昭然於奕世下矣雖然紀之作不過野老餘閒纂述舊聞已耳而或且謂其大書特書也似史之綱其條分縷析也似史之目可以資郡乘可以補明紀則豈不佞所敢居哉康熙重光單闕歲涂月上澣芙蓉島上逸民毛霖書

平叛記

東萊 毛 霽 荆石

辛未崇禎四年

冬閏十一月廿八日登州援凌將士李應元等叛於吳橋

吳橋縣名屬直隸河

府間

毛荆石曰吳橋之變起謀者有應元之父九成矣同事者有應元之帥有德矣以城應者有耿仲明陳光福等人矣何爲歸之應元春秋之書邾鄭伐宋也獨先邾人誅其意也此之首應元亦原此例耳

先是大司馬梁廷棟議築城凌河

在廣寧衛

以爲恢復遼計工甫畢

凌城失陷報聞復命修築遣遼帥祖大壽帥勁師護版築之役仍選精卒星夜前赴以作聲援時部檄登萊巡撫孫元化

字火東嘉定人以乙榜請纓授兵部主事陞寧前道受知梁大司馬時方破格用人擢三乙榜爲巡撫元化因得開府登萊

標下勁兵泛海趨耀州鹽場

會兵覺華

島名在遼衛

託言風汛不利逗遛不前又令從

陸趨關赴寧遠聽調遣乃發遼卒千人授遊擊孔有德千總

李應元往有德故遼人

舊島帥毛文龍義子也

驕悍不法初無往意勉強前

赴沿途觀望至閏十一月二十七日次於吳橋時官兵屢過

地方多騷擾以故民皆閉門兵無食宿皆怨適部卒與生員

相爭有德答之衆遂譁然

時屯兵新城鄉紳王象春莊自食雞犬春子怒先投其父名帖復親講其兵不法狀有德將兵捆打貫耳兵遂將莊焚燬春子潛逃

次日千總李應元與其父九成縛有德於演武場首倡反謀

有德從之

九成初爲元化市馬馬價蕩盡至吳橋適與有德遇遂與應元謀以爲反亦死不及死不如一逞叛謀益決

回戈東指大肆搶掠

所過無遺

二十九日賊破陵縣

陵縣縣名屬山東濟南府

十二月初一日賊破臨邑

臨邑縣名屬濟南府

初三日賊破商河

商河縣名屬濟南府

初四日賊破齊東

齊東縣名屬濟南府

賦所破諸縣皆劫庫縱囚

時巡撫余大成

字集生

駐劄省城巡

按王道純

字懷鞠陝西蒲城人天啓乙丑進士

巡歷平原去賊甚近道純初聞變卽移

書大成發兵勦捕大成不信復書云一塊土之兵不宜作鄒

魯之閨道純再趣之遂託病請告

初五日賊圍德平

德平縣名屬濟南府

既而舍去

初六日賊破青城

青城縣名屬濟南府

巡撫余大成發兵勦賊

余撫以賊勢猖獗發濟南兵命中軍沈廷瑜率之發武德兵命參將陶廷鑑率之

初七日賊破新城知縣秦三輔訓導王協中在籍同知王象復舉人王與夔張儼然死之

新城縣名屬濟南府三輔陝西三原縣舉人

新城故多巨族有德至三輔等禦之俱死賊遂入城吳橋之變象春之子激之故焚殺尤慘

毛荆石曰當時舉貢殉難者皆格於例不得旌至是少宗伯陳子壯以爲請乃贈與褒儼然俱宛平知縣其陷他縣死節貢生張聯治蔣時行俱贈順天府學教授

初八日陶廷鑑等兵敗於阮城

時承平日久武備廢弛將士驕怯略無鬪志廷瑜臨陣尙乘肩輿至阮城店與賊遇濟兵先退賊遂乘之大敗德兵殺傷爲多廷鑑等俱遁還

詔巡撫余大成孫元化進兵會勦事聞命兩撫速行捕勦

防撫孫元化移檄招安

是時賊見我兵將合且搶掠得志遂整兵而東不復攻城元化聞報初亦不信謂必別處逃兵藉口於登兵也既知有德果叛乃移檄招安兼檄郡縣不許截殺賊遂得安意長驅無敢一矢加遺者

十二日巡撫余大成移鎮追賊防撫孫元化亦帥師遏之尋俱引還

大成差官乙邦才

字奇山青州人

招安賊捆打四十放回元化屢遣人

入賊營諭令歸命賊佯應之元化因遣大成書曰撫局已就我兵不得往東一步以致壞事大成如其戒而止元化亦師次黃山館而返

謝象三曰當是之時識者謂兩撫前後夾擊則賊可盡殲而惜乎其以招安自愚也

毛荆石曰余大成不足責矣至孫元化固請繼者也以一榜驟應開府思宗在之不爲不隆矣乃部下一叛將破至數城而猶不信及知其果叛矣徒欲以招安結局致陷兩郡生靈塗炭請繼繫南越者固如是乎厥後西市之伏法不足以蔽其辜矣

附考 邦才後至總兵官爲史可法部將以死戰

十三日萊州府知府朱萬年示城守約

朱字鶴南貴州黎平舉人

一議收斂凡官吏師生人等有願入城守者聽在城婦女一人不許出城違者重治 一凡縉紳百姓有糧草在外者許速搬運入城以備自用凡城內一粒一草不許移出以資敵人 一十字路口卽立柵欄一座責令附近居民輪流看守至定更後卽行封鎖非奉令箭不許擅開五更後聽礮啟鎖失悞者重治 一有疾病生產緊急事情許執燈往來以便認識訊問的實方許放行仍不許夜聚飲賭以生事端違者以軍法從事 一十家爲一牌鄉地挨戶清查如一戶男婦共幾口某人年若干歲某處人係何生理或男若干歲何生理或弟若干歲何生理不許隱漏一人遇有外來寄居已久者一例入冊新來者取具保結方容在內若無保結卽令移居出城以杜不虞牌內有素行不端踪跡詭異者卽公同舉首如有容隱事發十家連坐 一每牌備麻搭五把火鈎五杆以防火災仍於各家門首設水缸一箇若遇有火止許本牌十家互相撲滅不許別牌來援以防姦宄竊取財物其左右兩牌人等各持猛棍站立門首若有忙亂招呼鼓衆者以姦細

論一牌冊已定卽查冊內每戶取壯丁一名編派城頭以充垛夫一萊城周圍三里十八步城垛共一千七百七十八箇竝大樓角樓馬面量安紅夷大礮一尊用四輪車駕之以便轉移挪動且防退崩傷人之患一守垛之夫各執猛棍一根高出人頭粗如鵝卵每十觔爲度務以堅實之木爲之每一垛置箭簾一挂既可避矢亦可蔽敵人眼目我更可以陰施礮矢一每隔一垛用磚石壘之高厚皆與垛齊上堆雷石以禦敵人一五垛置一小燈十垛置一大燈用長杆引索挑出城外燈下以石墜之燈上另有燈蓋以免搖動溼滅之患或用鐵籠燃乾柴以省油燭更便也一每垛派守門夫五人至夜每人守一更爲度令箭不時巡查晝則止用一人其四入下城各作生理有警鳴鐘務必各守其地違者以軍法從事一城垛夫竝守柵欄人夫俱備梆鈴有警不許喧違者以姦細論一敵人攻城多用雲梯以矢石多不得近至城下或已豎起卽用鈎鈎住提上城頭或用撞杆撞之可應手而碎或鈎住梯左又住梯右順城一推無不

斜倒零碎者 一萊營防汛三山女姑海口者俱撤回派守
城頭膠萊靈鰲雄五衛所春班邊軍俱題留在城一同護守
一大樓角樓下各屯軍五百晝則升旗夜則挂燈有警以
此爲號一處有事只令左右屯兵救援其他不許亂動以防
指東擊西之虞 一城守人衆錢糧易盡倉穀支發勢必不
足擇日齊集城隍廟各出義助銀兩數目登記各人名下銀
數少竝粟少者公議另加 一城守人衆公議餉兵其稍有
力者兩家輪流不得慳吝推委以取罪戾 一四門四角重
地專任有司武職協同以在城鄉紳謀畫指揮悉聽約束
一敵在近郊貧民勢必乏食擇日約衆鄉紳並富民公議某
家糶若干石並議定價值不使措勒致使不堪 一賣官柴
查官房棚廠倒塌無用者悉令拆毀劈柴出賣每斤定價銀
二分 一四大樓前各壘牆一堵以護樓門樓中坐臥可恃
無恐 一城下四門外各壘大牆以護城門周圍亦壘矮牆
以護避難諸人 一南北二門各置千斤鐵葉牖一具上用
大繩引繫滑車以便啟閉提掇

十八日賊抵萊州

前十一月賊赴援過萊時朱守知其必叛以牛酒厚享於郊賊甚德之至是賊回遣人向朱太守曰朱上臺勿恐前厚享之恩終不敢忘也秋毫無犯而去

二十二日賊抵登州

賊至登駐兵城南密神山孫元化命標將張燾率遼兵駐城外總兵張可大亦發南兵拒戰時猶再四遣人招安賊不聽夜攻城西礮擊却之

附記 先是登州有一道人呼於市曰張阜王一箇餚瓜也不得嘗人與之錢不受與之食亦不食至是不見

壬申五年

春正月初二日我師及賊戰於城東敗績我師與賊戰南兵方勝張燾所率遼兵遽引退南兵遂敗殺傷殆盡燾部兵半降賊初三日賊破登州總兵張可大鄉紳張瑤死之

燾兵降賊者復詐來歸城內士民咸言不可當事許之於是賊俱混入中軍耿仲明都司陳光福等密謀內應是夜舉火有德等遂從東門殺入城陷元化方在城頭引刀自刎不死

爲賊擁去登州道宋光蘭監軍道王徵暨府縣官皆爲賊擄
惟總兵張可大自縊於水城鄉紳張瑤罵賊遇害妻子皆赴
井死是時尚有舊兵六千人援兵千人馬三千匹餉銀十萬
紅夷大礮二十餘位西洋礮三百位其餘火器甲仗不可勝
數皆爲賊有居民男女數十萬殺劫淫污備極慘酷

謝象三曰按登州僻在海隅阻山真海素號荒阻自遼土淪亡遼人決海散處於各島及諸州縣島帥毛文龍收拾遼衆
自爲一軍東江之師以登州爲孔道歲餉八十萬皆從登海往於是熙綸成聚往年建恢復四衛之策者欲從登海渡師
始設巡撫練兵治器械無虛日天下之談兵說劍者競託足焉遼地既淪一切蓰紹布帛之利由島上轉輸商旅雲集登
之繁富遂甲六郡然遼人在地方頗不相安識者久已憂之自孫元化爲巡撫元化既在遠久每言遼人可用於是多以
遼人補伍朝夕訓練養成精銳文龍死島中繼有陳繼盛劉五之變部下義子耿仲明李九成孔有等逃散四方既而
登黃緣爲將此輩素口悍貪婪不知法度視登州爲金穴欲得而甘心焉非一朝一夕三人中耿仲明尤多權智李九成
敢勇善戰六城之破九成衝鋒登州之陷仲明內應二賊尤罪魁也趙黃門吉士張壯節公傳曰張可大字觀甫其先孝
感人世襲南京羽林左衛指揮登萬歷二十九年武備士歷浙江都司調守饒真貢船被劫於帆船計擒其魁陸陽電參
將征黎用黑番爲鄉導入其洞平之調舟山修城築堡築堰灌田兵民咸德之晉南錦衣可大諳練鎗鎗兼善詩古文公
餘雅歌投壺一觴一詠恂恂如儒者任陪京者錦衣志等書人稱雅贈陞山東總兵官時崇禎元年也會三方佈置之議
起登萊爲神京門戶主客兵雜處新舊餉兼支繁瑣無緒可大至定經制汰冗員外地立水營爲汛守內地立陸營爲城
守備禦嚴而歲省浮餉二十餘萬自遼土淪喪議者謂恢復必先定四衛而復四衛必先旋順或議益南開嶺或議築長城
島可大以鹽場口居兩山間其隘可守外距木羊城二十餘里內距旅順關十餘里首尾易顧更設銳城於黃金山最高
頂而金州羣於磐石矣遂決計城之城成議者乃服高麗貢道舊由山海關遼陽失後改由登萊可大以麗船往來內地
姦究易生請從覺華島登陸乃由關門入皆未雨之籌也妖賊作亂衆至萬餘圍萊可大破走之二年冬京城戒嚴奉詔
勤王三年還鎮至四年而登兵有吳橋之變先是毛帥文龍鎮皮島遼人孔有德等歸隸麾下文龍待之甚優有德等亦
樂爲文龍用文龍處海外凡有奏報或恢復失實事亦有之然於國家形勢則屹然重鎮也及宣崇煥出督關門疑文龍
跋扈難制殺文龍他將代者於有德等亦僅以老兵置之有德等既失所依皆落魄無聊又心憐文龍無罪橫受屠酷恒
怏怏每思投降而起未得其會也四年大凌河告急登撫孫元化建議欲復遼土宜用遼人欲周遼人心宜用遼將於是令
有德等率兵千餘人赴援十二月行至吳橋天大雨雪以市民間食物啓營遂劫庫殺官而有德等家口皆在登州乃到
戈而同破所過州縣盡肆焚劫新城受禍尤慘可大聞變急率兵往朱橋驛值元化言撫局已定阻可大毋西行及登城
被圍可大議速徵各郡兵會勦而元化仍主撫議不聽欲棄其初集勒兵出戰又苦禁之分可大汛專守水關而令遊擊

張彞襲之未及交綬彞兵反與有德等合脫同三十四人求入啓門納之次早有德等攻城昨所入三十四人攘臂大呼全城應焉五年正月城陷可大分守水城知勢不可爲解所佩大將虎符授旗鼓吳振姬間道歸山東上之殺其妾陳氏遂自縊於署內之太平樓後蒙

趙吉士行取推官張公傳曰張瑤字口口遷萊人天啓五年進士授開封推官爲治嚴明絕請寄抑毫強民敬之若神政聲冠全省撫按交荐崇禎四年與萊陽宋政並行取入都時沂州宋鳴梧爲吏掌科舊制臺省雖七品官得風聞言事閣部大臣一受糾拌多不安而去人咸畏之御史猶轄於總憲惟六科無所統屬均稱內府體更尊吏掌科操百官賢否黜陟於六科中尤高自簡貴若外吏趨謁必勞門者錢乃得通姓名瑤往無所予門者有煩言瑤素剛直不能忍習之鳴梧以爲養其體也不悅援政爲給事中而抑瑤僅授府同知瑤大怒據致行賄狀列疏上聞家宰惡其侵已也亦劾瑤疏道奔競鳴梧復極論之遂謫河州判官未赴旋里五年正月叛兵逼登州瑤率家衆登陣拘守城陷瑤猶揮石奮擊賊擁至被執大罵不屈見殺妻女四人並投井死贈光祿寺少卿

上命逮治孫元化張燾等官

登州既陷東省大震報至上命逮治孫元化張燾及道府等官

命總兵楊御蕃王洪劉國柱統兵會勦楊字翰城沂州人楊肇基子年少勇而多機略王榆林人王威之子體肥胖懦怯之狀一見而知

時梁廷棟已罷熊明遇字良儒江西撫賢人萬曆辛丑進士爲本兵於是調通州兵以

副總兵楊御蕃統之凡山東之師皆屬焉加總攝銜調天津兵以總兵王洪統之調保定兵以總兵劉國柱統之各刻期赴勦

李九成孔有德自稱爲都元帥

賊部署營伍僞授官爵鑄都元帥印自稱替天行道都元帥
推李九成爲首有德次之耿仲明自稱都督括民間金帛子
女用巡撫關防檄取州縣餉銀齎萬金犒島誘令同反

初五日巡撫余大成領援兵如萊

大成聞登州已失入萊爲守禦計然束手無策唯閉戶誦經
而已分遣萊營官兵以副將張奇功率五百人守黃縣以水
寨營守三山以左右營守平度卽墨主兵調發客兵驛騷

初六日原任吏部考功司郎中張忻至自京師

忻字靜之號北海天啓乙丑進士

張以左遷浙江藩幕便道歸省甫入門朱太守馳往謁之告
以余撫軍提兵在府已經旬日殊無東意而參將余五化者
日與賊通且濟南鋒營兵日索犒無餉恐內變幸公一言張
卽謁余力言先逐余五化以清姦細請徐肩宇

名從治浙江海鹽人時爲武德道

以

余與有德爲八拜妻子在登有德俱養待如禮

客兵謀爲亂

客兵訛言欲爲內應以夜舉流星爲號幸臨清營泄其機朱

太守多方誠諭捐貲厚賞仍勸鄉紳犒之一面逐戶清查諸巷柵多設兵丁夜巡三令五申居民出戶者死至夜兩見流星逼天而城中闐然無一譁者

初七日釀兵餉

萊郡紳衿齊集城隍廟公議釀銀以充守城軍丁工食

毛荆石曰張黃門孔敦及子孝功忻共捐銀一千兩時先君爲諸生亦捐銀二百兩餘未詳

斥逃城士庶

是日南門內欲逃城者蜩集或貴易賤服或女扮男粧朱太守以法斥之者三衆乃驚散

毀關廂祠廟

朱太守命毀西關大士海神二閣以防攻城撤南關關帝廟以防伏姦

十二日賊遣人送孫元化梁丹崖書於余大成

是時登州文武各官及鄉紳賊皆幽繫一室聽其指使爲具揭遺書大成欲令具疏招安其大意欲朝廷畀以登州並所屬八縣然後投順年年納賦立功報効當時無論識與不識

咸髮指恨其出語狂詩而賊之心腹參將余五化在大成所力言可撫大成得書揭爲聞於朝惟巡按王道純抗言不可公論寔之

十三日賊破黃縣知縣吳世揚縣丞張國輔參將張奇功守備

熊奮渭死之

黃縣屬登州府世揚河南洛陽縣舉人

奇功爲萊州參將時將離任慷慨力請守黃以障萊余撫僅與老弱兵三百賊自十一日攻黃張死守不能下至十三日賊自南城入兵民多潰張猶奮臂大呼持刀斫殺十二三人賊遂擁上力竭遂爲賊執肢解之

趙士喆曰張參將異定人也魁梧善戰叛賊過萊請乘夜擊之衆不可余撫使帥兵三百守黃請濟師弗許賊至城陷公手刃猶殺十餘人哀哉

豺狼厭飽自西來請擊如公亦壯哉袖手養癰緣底事英雄至死有餘哀

官紳分汛守城

破黃報至萊郡官紳公議上城協守知府朱萬年守南門同

知寇化

山西榆次人萬應乙卯舉人

守東門通判任棟

陝西人

守北門掖縣知縣洪恩

照人進士

河南息縣人

守西門鄉紳則考功張忻御史姜兆張

字省宇

錢